

Energia garbien aldeko apustu argia egiteko eskatu die Greenpeacek estatuei

Autogintza eta petrolio industria babesteari uzteko exijitu die erakunde horrek

Greenpeace erakunde ekologistak energia garbien aldeko apustua egiteko eskatu zien atzo Buenos Airesen klima aldaketari buruzko goi bileran parte hartuko duten 180 estatuei. Erakunde ekologistaren iduriko, energia berrien aldeko apustua egiteak benetako industria iraultza eragingo luke, eta horrek kolokan jarriko luke petrolioan eta autogintzan oinarritutako industriaren nagusitasuna.

Efe / Buenos Aires

MUNDU OSOKO 180 estatutako ordezkariak bildu ziren atzo Buenos Airesen (Argentina), klima aldaketari buruzko goi bileran. Besteak beste, iaz Kioton (Japonia) egin zuten bileran hartutako erabakiak indarrean nola jarri aztertu behar dute konferentzian.

Argentinako hiriburuko Obeliskoan —erdialdeko gune batean— klima salba dezagun eta Energia garbiak oraintxe bertan zioten kartelak jarri zituzten hormetan, gaztelaniaz eta ingelesez. Horrez gain, eguzki eta haize energien aldeko ekintza sinbolikoa egin zuten, haizearen bidez mugitzen diren bost metroko hainbat turbina jarrita. Horrela, Greenpeacek energia garbien eta birziklagarrien aldeko apustua egin dezatela eskatu zien bildutako



Egoera aldatzen ez bada, hartz zuria desagertu egingo dela ohartarazi du Greenpeacek.

STR

estatuetako ordezkariak. Juan Carlos Villalongak, Argentinako Greenpeaceko arduradunak, esan zuen energia horien aldeko apustu garbia egiten bada soilik emango zaiola irtenbidea klima aldaketaren arazoari.

Villalonga kexu agertu zen, bere ustez ez baitirudi hori izango dela agintariek izango dituzten eztabaiden funtsa. Villalongak salatu zuen herrialdeek ez dutela batera borondate politikorik Kiotoko protokoloa aurrera eramateko. Jakina denez, Kioton herrial-

de industrializatuek hainbat epe ezarri zituzten atmosferara botatzeko den gas kopurua murrizten joateko.

Villalongaren hitzetan, energia garbien aldeko politikak hainbat sektoreren suspertze ekonomikoa eragingo luke. Baina sektore batzuei protagonismoa kenduko lieke; esaterako, petrolio industriari eta autogintzari. «Galdera da ea herrialdeak prest dauden energia garbien alde jarduteko edo petrolio sektorea babesten segituko duten».

Greenpeaceko kideen iduriko, harreman zuzena dago gas isurketek eragiten duten berotegi efektuaren eta klimaren ondorioz gertatzen ari diren hainbat hondamendiren artean, El Niño izeneko fenomenoak tartean.

Bidenabar, Artikoan bizi den hartz zuriaren aldeko deia egin zuen erakunde ekologistak, eta ziurtatu zuen espezie hori izango dela lurraren berotze efektua pairatuko duen lehena. Hain zuzen ere, hartz hori laster desagertu daitekeela ziurtatu zuten. X

Jendetsua izan da zentral eolikoek aurka Elgean egindako kanpaldia

■ 150 pertsona inguruk egin zuten, igandean, zentrala ezarri nahi duten lekura mendi martxa

Erredakzioa / Donostia

JENDE asko bildu zen joan den asteburuan Elgean, Irukurutzetan, hain zuzen zentral eolikoek aurka antolatu zuten kanpaldian. Horrez gain, igandean zentral eolikoak ezarri nahi duten lekuraino 150 pertsona inguru joan ziren mendi martxan.

Euskal Herriko Mendi Federazioak eta talde ekologistek antolatuta egin ziren hainbat ekitaldi asteburuan. Larunbat arratsaldean, Atxolin inguruan bildu zen Deba eta Urola bailaretatik joandako jendea. Gauean, Sorgin Haizea taldearen ekitaldia izan zen.

Hurrengo egunean, mendi martxarako prestatu ziren mendian lo egin zutenak eta baita egunean bertan mendi irteera egiteko asmoa zutenak ere. Irukurtzetara iritsi zirenean, inguru horietan eraiki nahi duten zentral eolikoak sortuko dituen kalte ekologikoak gainean mintzatu ziren. Kapirixoko arkeologi taldekideak, AHTren Aurkako Asanbladako kideak eta Gipuzkoako Mendi Federazioko kideak. Elgeako zentral eolikoak EAEn eraikiko duten lehena izango da, eta, ondoren, beste hiru menditan eraikiko dituzte horrelako zentralak. X

1998ko azaroaren 8an, LEBUT 10N

10:45

-FESTA GIROA PLAZAN: Trikitilariak, Txistulariak, Gaiteroak, Txalapartariak, Zantantzarrak, Hankapaloak, Erraldoiak, Buruhandiak...

11:00

-HASIERAKO EKITALDIA PLAZAN: Laguntza txistulari eta dantza taldea, Pagotxuea trikitixa elkarte

11:30

-AEK eguneko KANTA PLAZAN: Trikitixa Kontrairo
-HARRERA UDALETXEAN
-KARAOKEA, HAUR PARKEA, eta GORRITI ZABALAINEN
-AEK EGUNeko I. NEKAZAL AZOKA ETA ARTISAU ERAKUSKETA KARMEN KALEAN

11:45

-FOLK KONTZERTUA FRONTOIAN: Bitoitza Khatru

12:00

-KALE ANIMAZIOA: Zantantzarrak, Txaranga, Erraldoiak, Buruhandiak
-ERAKUSKETA: Euskararen inguruko pegatinak eta Kartelak KULTUR ETXEAN

12:30

-BERTSO SAIOA PLAZAN: Asier Iriondo, Enbeita, Jon Maia, Igor Elortza, Maialen Lujanbio, Oihane Perea
-ABESBATZA PLAZAN: San Blas Abesbatza
-HERRI KIROLAK ELIZAKO PLAZAN

12:45

-KALE ANTZERKIA: Xilipurdi taldea, Salam ikuskizuna
-KANTALDIA: Niko Etxart FRONTOIAN

13:45

-KANTALDIA FRONTOIAN: Aitor Furundarena eta Patxi Kaleko

14:00

-HERRI BAZKARIA IKASTOLAN: Bertsolariak, txiste kontalariak, trikitilariak...
-KALE ANIMAZIOA: Txistulariak

15:00

-KALE ANIMAZIOA: Iñaki Eguren albokaria

16:00

-POP-ROCK KONTZERTUA FRONTOIAN: Betagarri
-KALE ANIMAZIOA: Pikor antzerkia: Fingilin komandoa

16:30

-MAGIA IKUSKIZUNA PLAZAN: Txan Handia

17:00

-KALE ANIMAZIOA: Txalapartariak

17:15

-POP-ROCK KONTZERTUA FRONTOIAN: Lorelei

18:00

-ERROMERIA PLAZAN: Trikitixa Kontrairo
-KALE ANIMAZIOA: Txistulariak eta trikitilariak

18:30

-ROCK KONTZERTUA FRONTOIAN: Zea Mays

19:30

-ERROMERIA PLAZAN: Izotz

1998ko azaroaren 8an

aekeguna

LEBUT 10

geu ere AEKrekin

BAI EUSKARARI!!

Laguntzaileak

Egunkaria